

lerter Leut/ in vierzig oder fünfzig Ja-
ren/erwachsen vnd worden wehren/ als
eben bey diesem Wittenbergischen Bier/
Denn es sein auch die rechten Erzquellen
guter Künste / vnd wahre Himlische lehr
da gefunden wordē/ denen gute Menner/
vnd ehrlicher Leut Kinder/nach gezogen/
vnd die gesunde Weißheit Göttliches
Worts/auch aller guten Künste vnd spra-
chen/gesogen / vnd zur volle getruncken
haben / Des sich noch heutiges tages/
Teutschlandt zu erfreuen hat/ Vnd weil
das gute Bier zu Wittenberg / noch zum
Zapffen gehet/ hinferner zu erfreuen ha-
ben wird/ Ob sich gleich ansehen lest/ als
wolte das Wittenberger Bier / nimmer
so gut sein/vnd bleiben / als zuvor / So
sein doch noch die alte Bach / vnd Erz-
quellen/sum theil fürhanden / Das zu dies-
sem Biere noch gute hoffnung ist/es wer-
de diß Bier/von seiner art/gut geblüt vnd
gewissen /in GOTTES Wort / guten
Künsten / vnd Sprachen gegründet / zu
machen / nicht lassen / Vnd so viel von
Wittenberger Bier/des ich auch /GOTT
lob / vnter andern / eine lange zeit / in
meiner Jugendt / viel getruncken ha-
be.

Zerbster Bier.

Diß